



Inatsisartunut ilaasortaq, Anthon Frederiksen  
Partii Naleraq

## **Politiini aningaasarsiat assigiinngitsuunerat pillugu § 37-mi apeqqummut (2017-061) akissuteqaat**

10-03-2017  
Suliap nr.  
2017 - 2492  
Allagaatip suussusia Nr.  
4666802

Qujanaq apeqqutinngorlugit nassiunneqarsimasunut.

Apeqqutitit Inatsisinik Atuutsitsinermut Ministeriaqarfimmut nassiussimavakka tassami politiit, taakkununga ilanngullugit aningaasarsiatigut pissutsit il.il. naalagaaffimmit oqartussaaffigineqarmata. Inatsisinik Atuutsitsinermut Ministeriaqarfiup nalunaarutigaa, apeqqutinut akissuteqarnissami ministeriaqarfiup ilanngussasaanut atugassanik Rigspoliteeqarfimmit ilanngussassanik pissarsiniartoqarsimasoq.

Postboks 260  
3900 Nuuk  
Oqarasuaat (+299) 34 50 00  
Fax (+299) 34 66 66  
E-mail: iian@nanoq.gl  
www.naalakkersuisut.gl

Inatsisinik Atuutsitsinermut Ministeriaqarfiup ilanngussai tamakkiisumik ilusilerlugit nassiuppakka.

### **1. Suut pissutaappat nunatsinni politiit nunaqavissut tikisitallut akissarsiaasa assigiinngisinneqarnerannut, naak suliak akisussaaffiillu assigiit ingerlanneqaraluartut ?**

Apeqqutip akineqarnissaanut atugassamik Rigspoliteeqarfiup nalunaarutigini kuuaa, kalaallinut najugaqavissunut polititjenestemandinut aamma danskit polititjenestemandiinut aningaasarsiatigut malittarisassat assigiinngitsut malinneqartartut. Kalaallinut najugaqavissunut polititjenestemandinut aningaasarsiat Rigspoliteeqarfiup aamma CO10-ip 18. januar 2011-imi Kalaallit Nunaanni polititjenestemandinut atorfiit inissitsiterneqartarnerat pillugu isumaqatigiissutikkut aalajangersarneqarsimapput, danskinullu polititjenestemandinut aningaasarsiaat Rigspoliteeqarfiup aamma Statstjenestemandit qitiusumik kattuffiisa II-p iluarsaassamik 14. november 2008-imi polititjenestemandinut atorfiit inissitsiterneqartarnerat pillugu isumaqatigiissutaatigut aalajangersarneqarsimallutik.

Inissitsiterinermik isumaqatigiissutini marluusuni skalatrin (aningaasarsiat nalilersorneqartarnerat) atornerarpoq. Kalaallit Nunaanni tjenestemandinut skalatrin atorlugit aningaasarsiat aningaasatigut danskit polititjenestemandinut skalatrin atorlugit aningaasarsiaannit taamaaqatigisaat appasinnerupput. Tamanna tunngavigalugu isumaqatigiinninniarnerni illuatungeriinnit isumaqatigiissutigineqarsimavoq, Kalaallit Nunaanni danskit polititjenestemandit aamma kalaallinut najugaqavissunut polititjenestemandit akornanni aningaasarsiat killiffiata naligiisinnissaannut tapiissuteqartoqartassasoq, maannakkut aalajangersimasumik skalatrin-imut immikkut tapiissutit ilanngullugit kalaallinut tjenestemandinut aamma danskinut tjenestemandinut aningaasarsiat akornanni assigiinngissutaasoq. Nalimmassaataasumik tapiissummi ilanngullugu eqqarsaatigineqarsimavoq, danskit tjenestemandiinut nunami sumiiffiit ilaanni soraarnerussutisiaqaataannngitsunik sumiiffimmut tapiissutinik tunniussisoqartartoq.

CO10-p maannakkut Nutarterinissamat Aqutsisoqarfimmit (Moderniseringsstyrelsen) isumaqatigiissuteqarniarluni isumaqatigiissutinut ingerlasunut ilaatigut piunasaqaatigisimavaa, nalimmassaataasunik tapiissummut naatsorsuisarnikkut toqqammavik allanngortinneqassasoq.

Ilanngullugu oqaatigineqassaaq, danskinut polititjenestemandinut tikisitanut Rigspoliteeqarfiup aamma Politiit kattuffiata 18. januar 2011-mi isumaqatigiissutaanni § 5 naapertorlugu inuttaqartitsiniarnikkut aamma atorfirmiisitsiniarnermi mianerisassat eqqarsaatigalugit immikkut ittumik ukiumoortumik 50.000 kroninik tapiissutinik tunniussisoqartarmat (oktober 1997-imi killiffik).

**2. Sooq-una akissarsiat "assigiittussaaniarneraluannik" tapimik taaneqartartoq tamakkiisumik soraarnerussutisiaqaatigineqarsinnaanngitsoq ?**

Apeqqutip akineqarnissaanut atugassatut Rigspoliteeqarfiup nalunaarutiginiuuuaa, nalimmassaataasumik tapiissut tamakkiisumik soraarnerussutisiaqaataammat, kalaallit nunaanni immikkoortiterisarneq pillugu isumaqatigiissummi § 2 imm. 6 naapertorlugu, aammalu Rigspoliteeqarfimmit tapiissummit soraarnerussutisiassanut akiligassaq CO10-ip PFA Soraarnerq-mi konto-anut akilerneqartarmat.

**3. Sooq-una akissarsiat "assigiittussaaniarneraluannik" atuutilersitsineq 1991-imiilli atuutilersinneqarsimanngitsoq tikisitap nunaqavissullu akissarsiaasa assigiinngissutiviata naliga atorlugu ? sooq-una tapeq taanna aallaqqaataaniillu soraarnerussutisiaqaataasinnaanngitsoq ?**

Inatsisinik Atuutsitsinermut Ministeriaqarfik imaaliillaannarluni qulaajaasinaasimangilaq, qaqugukkut nalimmassaataasumik tapiissutit atortuulersimanersut, aamma sooq siusinnerusukkulli atortuulersinneqareersimannginnersut. Aammattaaq nalimmassaataasumik tapiissut aallaqqaataanniilli soraarnerussutisiaqaataasimannginnera, taamaattoqarsimassappallu qaqugukkut soraarnerussutisiaqaataalersimanagera iluoornerneq imaaliillaannarluni qulaajarsinnaasimangilaa.

**4. Suna suullu pissutaappat, nunatsinni politiit maani najugaqavissut akissarsiaasa isumaqatigiinniutigineqarneranni kinguaattoorujussuarternermut ?**

Apeqqutip akineqarnissaanut atugassatut Rigspoliteeqarfiup nalunaarutiginiuuuaa, Rigspoliteeqarfimmit ukiumoortumik ataasiarluni Kalaallit Nunaannut sumiiffimmi aningaasarsianut aningaasat immikkoortitat nalunaarutigineqartartut, taakku sumiiffimmi aningaasarsiaqaataasumik ukiumut atuuttarput, taanna ingerlasartoq apriliimiit ukiup tulliani martsimut, tamatuma kingorna qinersivinni najukkani aningaasarsiat pillugit isumaqatiginninniarnert ingerlanneqartarput. Isumaqatiginninniarnerni isumaqatiginninniarsinnaasutut illuatungeriit piunasaqaatigippassuk ukiumoortumik ataasiarluni aningaasarsiat pillugit isumaqatiginninniartoqartarnissaa suleqataasut piunasaqaatigivaat, qaammammili aalajangersimasumi tamakku ingerlanneqartarnissaat piunasaqaataanngilaq. Taamaasillutik aningaasarsiat pillugit isumaqatiginninniarnert ukioq kaajallallugu ingerlanneqarsinnaapput. Siulersuisut piginnaatitaaffiisa ilagaat aalajangissallugu, qaqugukkut isumaqatiginninniarnert ingerlanneqassanersut.

Tamatumunnga ilaliullugu Inatsisinik Atuutsitsinermut Ministeriaqarfiup nalunaarutigisinnaava, 2015-imut isumaqatigiissut pillugit Nutarterinermut Aqutsisoqarfiup aamma CFU/CO10-p akornanni isumaqatiginninniarnert suli

ingerlammata, isumaqatiginninniarnermimi Namminersorlutik Oqartussat aamma kalaallit nunaanni tjenestemandit kattuffiisa akornanni isumaqatigiinnissaq utaqqimaarneqarmat.

Ilanngullugu nalunaarutigineqarsinnaavoq, CO10 isumaqatigiissutit pillugit isumaqatiginninniarnerni ingerlasuni nalimmassaataasumik tapiissummut naatsorsuisarnermik toqqammaviup allanngortinneqarnissaa ilaatigut piunasaqaatigisimammagu.

**5. Aningaasarsiat nalilersorneqartarnerannut (skalatrín) 35-imut tunngasut kaajallaasitap, Danmarkimi nutaamik akissarsiat pillugit 2008-imi aaqqissuussinermi atorunnaarsinneqarsimasup, nunatsinni politiiunat atuutsikkunnaarnissaa Kalaallit Nunatsinni Politiimester-ip qaqugu naatsorsuutigaa ?**

Isumaqatiginninniarnermi illuatungeriit akornanni susassarineqartoq apeqqummi pineqarpoq.

**6. Sumiiffimmi tapeq sooq kalaallit nunatsinni nunaqavissunut atuutsinneqanngila ?**

Aningaasarsiatigut pissutsit isumaqatiginninniarnermi illuatungeriit akornanni susassarineqarput isumaqatigiissutillu pillugit isumaqatiginninniarnermut atatillugu isumaqatigiissutigineqartarlutik. Danskit polititjenestemandiinut assingusumik, isumaqatiginninniarnermi illuatungeriit akornanni Kalaallit Nunaanni najugaqavissunut polititjenestemandinut sumiiffimmut tapiissut isumaqatiginninniutigineqarsimanngilaq. Taamaalilluni pineqartoq tassaavoq isumaqatigiissutit pillugit isumaqatiginninniarnermi illuatungeriit akornanni susassarineqartoq.

**7. Naligiisitaaneq Naalakkersuisunut qanoq isumaqarpa ? aammami apeqqut taanna danskit oqartussaasuinut qanoq isumaqarpa ?**

Inatsisinik Atuutsitsinermut Ministeriaqarfimmut paasiuminaappoq, taamaattumik Ministeriaqarfiup apeqqummi suna pineqarnersoq Naalakkersuisunut apeqqut akitikkusuppaat.

Naalakkersuisut akissuteqaataat:

Naligiisitaaneq Naalakkersuisunut isumaqarpoq, assigiinngisitsisoqassanngitsoq. Naalakkersuisut naligiisitaasoqarnissaa pingaartittupilorujussuaat. Taamaattumik Naalakkersuisut danskit inatsisinik atuutsitsinermut ministeriaqarfik tulliani ataatsimeeqatigilerpassuk naligiinngitsumik aningaasarsiatigut pissuseqartoqarneranik suliaq qaqikkusuppaat.

Inussiarnersumik inuulluaqqusillunga  
Med venlig hilsen

  
Sara Olsvig